

溫州府志



公館

東甌金石志 十二卷

共 4 册 存 4 册 排架号 00395

00322

光緒己亥
九秋石印

序

東甌金石志者予友嘉善戴君咸弼之所爲也君草創此藁蓋十年以來比予歸自金陵君時來假所藏書加之考訂而意殊不自足復屬予子詒讓爲之補校詒讓又以所得石刻及晉宋六朝碑文益之遂成書十有二卷將以附予所編永嘉叢書中蓋君之爲此勤矣昔歐陽子記羊叔子杜元凱之事以謂皆自喜其名之甚而爲無窮之慮又言元凱嘗爲二碑一置峴山之上一沈漢水知陵谷有變遷而不知石有時而磨滅也然則名固可喜要必求其不可磨滅乃爲能爲無窮之慮也君之此書知古人之自喜其名集而錄之使不至於磨滅意旣善矣使後之攬者皆

東甌金石志序
知自喜其名爲無窮之慮而務爲不可磨滅則此書之傳非獨存古人之名而已豈非尤善者歟予與君齊年而予先三年以疾告歸衰老益慵罕與士友相接今君又來別予去矣每念宋時吾鄉先生林介夫鄭泰臣徐季澤陳君舉諸君子與同時賢士大夫趙清獻景仁父子朱履常沈持要之徒相與游從登臨題詠之樂風流文采邈焉莫追然則古今人真有不相及者歟是可嘆息也已光緒八年歲在壬午十一月二十日瑞安孫衣言書於城北之邵嶼寓廬

東甌金石志序

光緒乙亥予客青田始見李金瀾先生栝蒼金石志竊歎溫台二郡文物在處州上顧無好古之士留意於此蓋可憾也及夏杪歸里則吾友臨海黃瑞子珍郵示所著台州金石錄旣成書矣予閱之大喜卽爲謀諸同好釀金而壽之梓今春客游甌江則郡廣文鼇峰先生戴君所著東甌金石志適成予聞之益喜亟請而讀之其書上起西晉迄於有元得凡二百餘種與李氏書相埒而其攷證之精詳援據之浩博多足補郡邑志所未備則視李君當過之無不及焉至於名蹟流傳炳著羣籍而今不獲見與雖見而疑其僞或雖無疑而未勒石者則都別爲一卷謂之附錄

又自明洪武迄崇禎得凡二百餘種爲續志若干卷
皆李氏所未有也此可見先生好古之心卓越儕輩
而其體裁之精審固非苟焉從事者所可同年而語
矣且夫士之處世患無志於學耳苟其志在千秋學
兼體用上之則能致身霄漢載筆彤廷講論唐虞之
道而裨補乎日月之明次之則能紬金匱石室之藏
攷賢人哲士之終始勒成一書以俟後聖君子大之
則能出入將相文武孝忠盛德大業勒鼎銘鐘伐石
紀功照耀乎無窮小之則雖一官一邑隨時隨地盡
心與力必能遺愛去思勒之文石書之志乘傳示於
無極下之猶當秉筆方州考論文獻發潛闡幽以備
一邦之典五者都不可得然後從吾所好躡屐遠遊

放浪山巔水涯之外表回蔓草荒烟之內殘碑斷碣
埋金沈鐵冥搜幽討詫爲奇寶當夫春秋多暇長日
如年探篋發書鱗次羅駢稽同合異研丹磨鉛揆年
按月萃爲巨編以攄芒芒百世之思而慰古人無窮
之憾如先生之志金石非其類耶雖然古人往矣其
壽之金石者孰不圖無窮之名哉孰意數傳而後金
銷石爛姓氏灰滅不可勝數藉非好古之士筆之爲
書蓋未有不朽者也湯盤禹鼎辭存而器亡古聖王
且然况後世之士乎然則金石之壽孰與筆之爲書
之尤壽耶且戴君之爲附錄爲續志其尤有無窮之
意也夫是可以補李君之缺而爲吾友所取法也時
光緒三年春三月旣望黃巖王棻書於中山書院之

東甌金石志序

士之獨處一室坐擁百城其所以尙友古人者固將
誦其詩讀其書論其世而知其人矣而更欲與古人
之馨歆相接手跡相親攷世代之訛湮證詩書之閒
失舍金石曷以哉金石之有書自歐陽文忠公集古
錄始洪趙諸家實繼之洎乎國朝諸作林立如金
石萃編金石文字記關中金石記中州金石記江右
安徽粵東西山左兩浙金石志寰宇訪碑錄續寰宇
訪碑錄及各省府廳州縣志中之未成專書者之歷
歷難數也甌郡金石惟阮志采入數種餘多未錄攷
古者憾焉戴侯鼇峯以名孝廉司鐸是邦慨古人之
馨歆已杳手跡無傳而毅然起矣於是登峻嶺探幽

東甌金石志序
谷披榛斬棘捫葛攀蘿日以羶椎從事其文郎玉生
茂才實左右之更訪諸好古之士博藏之家窮目力
之所及辨耳食之沿訛迄三年而東甌金石志成余
受而讀之其書釐定爲十二卷自六朝唐宋以迄有
元得數百種可謂夥矣若夫攷核之詳搜羅之富實
足以補兩浙金石志及寰宇訪碑錄之所佚闕他書
更可無論聞台州靈波諸郡知戴侯之成是書者咸
來咨訪體例將從而纂輯焉他日台靈之書告成雖
非戴侯之功而要不能不歸功於戴侯讀是書者其
以余言爲然否論其世而賦其人矣而更於與古人
光緒三年歲次丁丑八月江都郭鍾岳拜撰香園錄

石印東甌金石志序

東甌地漢時著於書漢以前無聞也閱五百年康樂
作郡徧窮永嘉山水之勝而鴈宕未著宋真宗修玉
清昭應宮搜求木石金錫之屬始有人得探鴈宕之
竒去康樂又數百年矣頤以去年秋來權郡事簿書
迨還兼佐戎機朝夕省莫或遑息巖壑勝境不克
恣情幽討以追古人往跡心竊憾焉幕客之游山者
歸輒述其所歷某山邃而秀某山峻而確某處有某
某題詩字剝蝕不可句讀某處有某題名為後人
所鑿字重疊而多闕津忘倦神為之攝會諸邑令

各以其地之金石搨本相貽因徃通守呂君假戴鰲
峰廣文東甌金石志以相攷證所得者雖不及十之
二三然如錢鏐康樂巖題記乾德六年北山寺經幢
元祐七年嘉福院浴鑊題字至順元年慶雲寺鐘銘
皆神采煥奕奇稱佳製而咸淳四年鴈宕刻石詩載
志未載入是此書猶有遺漏也彼千百年上之遺製
銷磨於高峰斷澗人跡所不到之處者又可勝數哉
矧此書板帙前五年燬於火再閱數年將書亦不可
復求甚非好古者之心矣爰即以假諸呂君者付之
石印以廣其傳若窮搜遺漏以補戴氏之闕則仍屬

幕客為之非擾攘一官者所能逆事云

光緒二十五年秋九月權知温州府事吳縣潘祖頤

溫州

東甌金石志凡例

一是書仿栝蒼金石志而作也昔吾禾李金澗先生
司訓處州著栝蒼金石志較阮文達兩浙金石志
所收增至數倍釐爲十二卷余於温州郡庠得宋
元碑刻五皆阮志所未載遂慨然有志於是前後
搜采自西晉迄元得三百八十餘種亦釐爲十二
卷

一温州府志碑碣附經籍後寥寥無幾磨崖題刻僅
存一二阮志所錄亦僅四通而已今就榛莽中蒐
羅摹搨四易寒暑始克成書爲異日續修府志之
一助云

一前代吉金多爲宣和兵火所燬國初康熙時閩

逆據郡復取銅鐘鑄錢毀失尤多今元豐宣和古鐘各存其一建炎紹興寶祐三鐘銘款亦多完善亟錄之以資考證

一飛霞洞咫尺郡垣前賢遺蹟如謝客巖錢鐸題記薛孺卿陳求古等題名俱見郡志孫兩人永嘉聞見錄有馬尊劉述鄭廣韓奕等題名余暇日登臨摩娑殆徧又得北宋謝泌邊調曹觀任達吳君平莫和南宋趙汝譔等題名詩刻共七種飛霞翠墨略備於是矣

一南北雁蕩磨崖最夥仙巖岑崎次之四出蒐討頗鮮同志平陽徐生淞樵嗜奇好古欣然爲兩雁之遊所至探幽絕險竟得百餘種之多去其漫漶哆

剝不可辨者尙存數十種是書之成與有力焉仙巖岑崎則四兒文僑手自摹搨亦不下三四十種然恐荒烟蔓草中遺漏尙多尤望同志諸君廣爲搜采以補其闕

一碑之高廣鐘之高圍字之大小俱仿王司寇金石萃編及枯蒼金石志例注明尺寸尺之長短則仍以漢建初慮僖尺爲準

一磨崖篆書碑版篆額多依石刻摹寫隸書則以正書錄之

一是書題跋所據自兩浙金石志外凡前賢舊作皆注明某書餘則前人多未著錄謬參鄙見略加討論瑞安孫仲容孝廉錄示數十種其古甃文字八

十餘種搜采不遺餘力考覈尤極精詳俱唐以前物亟錄入第一卷依兩浙金石志例也林亨甫及淞樵則於椎搗時閒綴跋語僞兒亦如管中窺豹略見一斑皆書某人按以別之

一凡碑刻已佚而見於前人金石錄書及諸家記載者別爲佚目入於附錄并略爲攷證時代源流俾古蹟不致終湮云

一古人石刻或爲好事者假託如雁山芙蓉峰下梁昭明太子碑見廣雁蕩山志核其文例必非真蹟前人已多辨駁初擬入於附錄仍載考正之詞今特削之昭其慎也

一磨崖題名碑刻無紀元可攷者各從其人時代先後列入其人無從確定其時代者則附於各朝之末并朝代亦無攷者別入附錄

一故家所藏金石藝文有得於外地者以其非本郡古蹟亦編入附錄以示區別

一永樂瑞平各有名勝紀載亦略相等泰順較少幸林君亨甫物色得十餘種皆宋元時物也惟玉環孤懸海外無從探討如有所獲當錄入補遺

一兩浙金石志所收碑刻至元而止然前明距今遠或五百年近亦二百餘年磨崖碑碣漸就湮沒者不少今擬就所見略加甄錄釐爲續編以資攷證一金石文字可以訂史氏之缺遺證志乘之訛謬末學膚受何敢問津惟孫琴西先生昆仲馳書敦迫

勉焉屬稟知不足登 大雅之堂識者鑑其荒陋
而卒教之幸甚

瑞安孫詒讓仲容校補

平陽徐引之淞樵

泰順林用霖亨甫參訂

男 文佐星才校字

文儁玉生參校

東甌金石志目錄

卷一 晉 宋 梁 陳

陳卓人甄文 晉太康二年 太康四年甄文 增一種

永康甄文 永康元年 大安殘甄文 大安二年

永嘉甄文 永嘉元年 改之甄文 大興三年

咸和元年殘甄文 章恨甄文 咸和四年

咸和六年甄文 咸康三年甄文

咸康六年甄文 建元甄文

翁氏甄文 建元二年增二 孝子甄文 永和四年

宋民甄文 永和五年 永和七年甄文

永和九年甄文 孝子徐弘甄文 永和九年

陳氏甄文 永和十年增一 永和殘甄文

永和十一年甄文 增三種 升平元年八月甄文

升平元年九月甄文 增二種 魯氏甄文 升平二年

丁氏甄文 升平三年三種 升平三年甄文 附一種

樂安合甄文 升平四年三種 周祖殘甄文 升平五年

興寧殘甄文 興寧三年 大公中甄文 泰和二年三種

泰和二年八月甄文 泰和二年八月殘甄文

泰和二年九月甄文 陳口甄文 泰和四年

泰和四年甄文 寧康元年甄文

寧康三年八月甄文 寧康三年殘甄文

太元元年甄文 太元二年甄文

太元四年甄文 太元六年甄文

太元七年殘甄文 太元十年甄文

太元十二年甄文 太元十八年甄文

李字甄文 李何甄文 太元十九年

太元十九年九月甄文 太元十九年甄文

申作甄文 義熙二年 義熙三年殘甄文

義熙四年甄文 義熙十年甄文

元嘉六年甄文 宋 元嘉七年甄文

黃賀甄文 元嘉九年二種 元嘉十年甄文

元嘉口年甄文 元嘉十四年甄文

元嘉十五年殘甄文 元嘉廿年殘甄文

元嘉廿二年八月殘甄文 元嘉廿二年九月殘甄文 增一種

元嘉廿三年甄文 魯長甄文 元嘉廿四年二種

元嘉廿五年甄文

元嘉廿六年殘甄文

居士丁農甄文元嘉廿七年

明府薄君甄文孝建元年 附二種

孝建元年九月甄文

孝建元年殘甄文

張上計甄文

大明元年

大明元年殘甄文

魯猶子甄文

大明四年二種

大明六年甄文

大明七年殘甄文

曹嗣祖甄文

秦始二年

秦始六年甄文

太豫元年甄文

建元元年甄文

齊

永明七年殘甄文

盧口孝甄文

建武二年

富公相甄文

永泰元年二種

天監元年殘甄文

梁

天監十年殘甄文

普通二年甄文

普通二年九月甄文

曹存基甄文

天正元年

天嘉殘甄文

陳

卷二

唐 吳越

杜審言大龍湫題名

唐

包舉龍鼻洞題名

處士姜公墓碣

大中七年

咸通殘甄文

咸通二年

姚揆仙巖銘

錢鐸康樂巖題記

吳越寶大元年

吳越王金塗塔記

卷三

宋

北山寺經幢

乾德六年

瑜珈寺塔甄

同上

大禹王廟石塔殘字

雍熙四年

謝泌謝客巖詩刻

陶山寺佛頂尊勝陀羅尼經幢

天禧四年

邊調飛霞洞題名殘刻

天聖七年

薛孺卿等飛霞洞題名

天聖十年

曹觀飛霞洞詩刻

石門潭題字

天聖

馬尋等謝客巖題名慶曆四年田瑜龍鼻洞題名慶曆六年

倪天奇甄昂靈巖題名皇祐元年

丹霞山殘刻皇祐二年苗振常鼎大龍湫題名

常寶臣等小龍湫題名劉述飛霞洞詩刻皇祐四年

鄭詳法成龍鼻洞題名廣福寺石塔殘刻至和元年

僧利卿井闌石刻同上陳求古等飛霞洞題名碑

至和二年王孝和等仙巖題名同上

鄭賡等飛霞洞題名同上韓奕飛霞山題名嘉祐元年

張瓌大龍湫題名李復圭雁山題名兩種

卷四 宋二

陶山寺井闌石刻治平二年劉公舒湖潢山題名治平四年

趙羲之鳳凰巖題名熙寧元年觀音寺石塔題記同上

仙巖彭城執中題名任達等飛霞洞題名熙寧三年

淨光寺塔甄三種熙寧五年六年附一種

沈括龍鼻洞題名晁端彥丹霞山磨崖熙寧八年

楊景略丹霞山磨崖熙寧十年黃頌等龍鼻洞題名

柳子春岑崎山題名元豐二年周開祖湖潢山題名元豐二年

口公材等岑岐山題名元豐四年

趙景仁等岑崎山題名元豐五年

趙景仁岑崎山題名趙景仁岑崎山磨崖詩

李公秉趙景仁仙巖題名

盛居先岑崎山題名元豐六年證覺院鐘款元豐七年

坑下村石橋題字同上趙景崇等岑崎山題名元祐元年

吳君平飛霞洞題名元祐二年

莫和中飛霞山麓題名 元祐三年

林介夫鮑誨翁岑崎山題名 元祐四年

何文正岑崎山題名 同上 李仲誠岑崎山題名 同上

滌下石橋題字 同上 淨光塔甄五種 元祐五年附二種

卷五 宋三

朱履常岑崎山磨崖詩 元祐六年

鐵井闌題字 同上 張文君丹爐內題記 元祐七年

嘉福院浴鑊 同上 僧思惠仙巖磨崖 元祐八年

大龍湫題字殘刻 元祐九年 大廣化寺石橋題字 紹聖元年

麗塘井闌題字 元符元年 張泌鳳凰巖題名 崇寧元年

岑崎山神剗洞題字 大觀元年 明因院寶塔甄第一種 同上

吳元禮墓誌銘 大觀二年 明因院寶塔甄第二種 大觀二年

三年

增二種

明因院寶塔甄第三種 同上 陳伯嚮雙瀑潭銘 政和五年

雙蓮橋石題字 宣和二年

卷六 宋四

白鶴寺鐘銘 宣和七年 黃槩等仙巖題名 宣和

常寧寺橋石題字 靖康元年 開元寺鐘銘 建炎二年

吳積中妻許氏壙志 建炎三年

卷七 宋五

滕甫鳳凰巖題字 滕牧鳳凰巖題記 紹興元年

滕牧等龍鼻洞題名碑 同上 西山護國寺鐘銘 紹興二年

歐陽交等鳳凰巖題名 紹興三年

張師敏鳳雛石題字 紹興四年 張建鳳凰巖詩刻

古砧石刻 紹興七年

釋青了開井發願文

陳叔興等岑崎山題名

紹興十八年

東村證覺寺題記

紹興十年

澄頭井闌題字

紹興二十一年

紫芝觀銅鐘款識

紹興十二年

楚國太夫人周氏墓誌銘

紹興二十九年

焦石石塔題記

紹興三十一年

蔡允升壺洲洞題字

趙景嚴等鳳凰巖題名

紹興

陳桷合掌巖磨崖詩

卷八 宋六

□之才聖女山詩刻

乾道三年

大廣化寺題字

乾道三年

壙志殘石

淳熙四年

薛良朋壙誌

淳熙十三年

沈樞仙巖題記并詩

同上

葉嗣昌龍鼻洞題名

紹熙元年

林蟠叟墓碣

紹熙二年

趙師林龍鼻洞題名

紹熙四年

王煥章謝公像碑

慶元三年

徐浩墓碑

同上

周及善林宗易等翠陰洞題名

同上

鐵井闌題字

慶元四年

陳君舉等神剗洞題名

同上

觀音寺石盂題字

嘉泰元年

崇壽寺鐵鐘款

同上

白鶴廟石砌題字

嘉定元年

朱偉壙誌

嘉定七年

葉宗大龍鼻洞題名

石梁洞前七佛塔題記

嘉定八年

九年

林伯驥壙誌

同上

郭津等龍鼻洞題名

嘉定十年

郭樗龍鼻洞題名

同上

郭禧白石山題名

同上

陳謙墓誌銘額

丹芳嶺磨崖

嘉定十一年

朱彌壙誌

嘉定十二年

崗頭升闌題字

嘉定十四年

蘇景行壙誌

嘉定十五年

卷九 宋七

林淳厚墓碑 嘉定十六年 葉味道靈峯題名

陳武壙誌 寶慶元年 朱通壙誌 寶慶元年

鯉魚山磨崖 寶慶二年 徐德寶造墓告神文 同上

平陽新修縣學記 紹定四年 靈山院石門鏡紀年 紹定六年

靈巖寺前七佛塔題記 嘉熙元年

趙汝遂謝巖題名殘刻 嘉熙二年

高彥芳補刻方干詩跋 同上 羅漢寺石橋紀年 淳祐八年

林斐墓碣 淳祐四年 真華觀石塔題字 同上 徐兼等龍鼻洞題名

謝奕脩等龍鼻洞題名 淳祐十年

霞混庵石佛背題字 寶祐二年 靈山院鐘銘 寶祐三年

東村石塔題字 寶祐六年 木從龍許峯靈跡記 景定元年

□睿玉壙志 景定三年 觀善堂鐘款 同上

建德教授胡公墓碣 咸淳二年 大廣化寺七佛塔題記 咸淳二年

僧如洪雁山詩刻 咸淳七年 劉黻龍鼻洞題名 咸淳六年

楊伯岳祝祖靈龍鼻洞題名

通直郎徐公墓碣 附

妙果寺鐘殘字 附

卷十 元一

玉連赤不花龍鼻洞題名 至元二十六年

汪大有壙誌 同上 李永孫壙誌 至元二十七年

館頭石佛塔題款 至元二十九年 白鶴寺經幢 至元三十一年

項公徹墓誌銘 大德二年 宋奧石盆題字 大德五年

柯謙重建郡學碑 延祐四年 大成殿先師像石碣 至治元年

太玉洞天古井題字 至治三年 東塔院鐘款 泰定二年

王儒志先生遺像碑 泰定三年 重建西塔院碑 天曆二年

王都中鳳山題字 同上

卷十一 元二

慶雲寺鐘款 至順元年 柳貫重建永嘉縣學碑 順至

三年 大廣化寺石夾題字 同上

王澄原墓誌 元統元年 李燾墓誌 至元元年

蒼坡李氏墓碑 附 大廣化寺石路紀年 至元三年

釋廷後仙巖修塔碑 至元四年 歸元寺鳥雀臺題字 至正四年

大廣化寺井闌題字 至正九年 大廣化寺鐘款 同上

曾堅等鳳山題名 至正十年 橫井巷大井題字 同上

貞隱處士墓碣 至正十三年 陳高陳文僑惠澤記 至正十五年

林彬祖重修譙樓記 至正二十五年

普濟寺鐘款 同上 謝瑀鶴陽題字 至正

卷十二 無年代古刻 附存 佚目 收藏 補

範元甄文 安固左尉甄文

永嘉郡永寧縣甄文 永寧縣殘甄文

永嘉郡安固縣甄文 五官殘甄文

晉範甄文 一千五百古泉甄文

五五古泉甄文 兒孝子殘甄文

劉授殘甄文 李氏殘甄文

陳顯祖殘甄文 周君貴殘甄文

孫承祖殘甄文 車懷仁殘甄文

鳳字殘甄文 衛字殘甄文

陳字甄文

棲霞寺塔殘甄文

謝客巖題字

西峴山題字

白石山題字

龍渠雁山磨崖

雪洞殘刻文

靈峰洞題記殘字

金星溪題字

劉公谷題字

黃石公洞碑

龍鼻洞磨崖九種

蓋竹洞題字殘刻

以上無年代古刻

葛稚川仙壇山磨崖

馬自然西峴山磨崖詩

呂巖題巖菴石壁詩

第一山題字 以上附存

晉升平甄文

陳天康甄文

唐李邕僧元覺神道碑

淨居尼元機圓明塔碑

仙巖四瀑布詩

仙巖陀羅尼經幢

置玉清觀制

玉清觀記

石室碑

海濤志

司空圖仙巖題字

宋米芾龍泉院記

吳說書證道歌

永嘉本蘭亭敘

薛師石先賢祠堂記

元黃潛容成道院記

趙孟頫陳氏世德碑

以上佚目

周嬰君孟

漢衛鼎

五鳳甄文

永建殘甄文

延熹甄文

晉太康甄文

黃字甄文

元康甄文

咸康甄文

永和甄文

升平殘甄文

以上收藏

宋故海陵太守趙公墓碣

吳諶壙誌

趙若恭墓誌銘 以上補遺

東甌金石志卷一

嘉善 戴咸弼 鼇峯 纂緝

瑞安 孫詒讓 仲容 校補

陳卓人甄文

太康二年正月十六卜造壽壙陳卓人

右甄厚一寸八分廣六寸中斷長不可計右側文

凡十六字並正書出瑞安二十七都陶山今藏瑞

安孫氏百晉精廬

孫詒讓按晉武帝以咸寧六年庚子三月平吳改元太康其二年歲在辛丑此甄作於正月距平吳不及一年也甄文云卜造壽壙陳卓人凡生時豫

作冢壙謂之壽壙今猶有此語後漢書光武紀建武二十六年初作壽陵李賢注云初作陵未有名故號壽陵蓋取久長之義也又趙岐傳云岐先自爲壽藏圖季札子產晏嬰叔向四像居賓位又自畫其像居主位皆爲讚頌注云壽藏謂冢壙也是漢時已有壽陵壽藏之稱晉書姚興載記亦曰西胡梁國兒於平涼作壽冢冢壙義同陳卓人卽造壽壙者之姓名蓋吳遺民之入晉者人下諦窠似尙有字畫漫漶不可辨

大康四年甄文

坳一種

大康四年八月立功

八月卅日

右甄二種一厚二寸二分長一尺五寸五分廣六寸右側文凡八字一斜甄右側厚一寸七分左側厚一寸二分長一尺五寸七分廣六寸七分左側文凡五字末字缺泐不可辨並八分書出永嘉西門外西山廢冢中今藏百晉精廬

孫詒讓案諸史以太康紀年者惟遼道宗其四年當宋神宗元豐元年永嘉非其正朔所及惟晉武帝太康四年歲在癸卯永嘉在其時爲臨海郡永嘉縣治此甄蓋卽其時所作經典太字古多通用大阮文達兩浙金石志載張燕昌所得太康四年甄太字亦作大與此甄正同其云立功者蓋謂營造墓域建立功程宋潛說友咸淳臨安志冢墓門

東陽金石志卷之二
載於潛縣東十二里趙墓得陶甄二有咸和二年
九月參軍趙悌建立冢功馮登府浙江甄錄載海鹽
所出永嘉甄文云永嘉元年七月廿日立功余所
得古甄拓本有云永寧二年太歲在壬戌七月卅
日立功君姓孟者並與此甄可互證通鑑目錄載
太康四年八月戊辰朔其月大建此第二甄云八
月卅日□亦與長麻合第一甄右側各爲四方匡
每一方匡內各爲蟠螭及四出泉文相間極精致
題字在右側第三方匡內分兩行書之浙江甄錄載臨海洪
氏所藏永熙二年周氏作甄字大不及六分第二
文亦分二行書之與此畧同甄左側上半爲華紋下半五字與華紋相間書之
並古甕所罕觀也

永康甄文

永康元年太歲在庚申九月八日□□□□

右甄厚二寸四分長一尺六寸四分廣六寸七分
右側文凡十七字並八分反書末四字漫滅不可

辨出瑞安西門外西峴山陽今藏百晉精廬

孫詒讓案諸史以永康紀元者凡五其正朔及於
浙東者惟漢桓帝及晉惠帝漢永康元年不直庚
申惟晉惠帝元康十年正月改元永康其年正直
庚申與此甄合甄左側及兩端並有華紋極工致
蓋晉甕之最精者

大安殘甄文

大安二年八月十九

右殘甄厚二寸五分廣五寸五分下半斷失長不可計右側存文凡八字並八分書出樂清今藏百晉精廬

孫詒讓案右甄樂清鄭夢白茂才所得今以贈余攷諸史以大安紀元者凡三遼道宗金衛王夏秉常此非其正朔所及惟晉惠帝以永寧二年十二月改元太安其年歲在壬戌此大安蓋卽太安之異文猶前太康甄文作大康也又魏高宗前秦苻段思廉柔然耶蓋並有大安紀元此亦非其正朔所及

永嘉甄文

永嘉元年九月十

右甄厚二寸廣五寸中斷長不可計上端文凡七

字並八分反書出瑞安東門外隆山今藏百晉精廬

孫詒讓案晉懷帝以光熙元年丙寅十一月卽位

次年正月改永嘉其年歲在丁卯後漢書沖帝紀亦有永嘉紀元

實爲永嘉之誤見本書左雄傳及史繩祖學齋佔畢引漢永嘉元年公乘校官掾王幽題名

甄文在上端九月十下文例當有日字以甄盡不能容字而止非有缺文也

改之甄文

大興三年七月廿日立功作甞改之

右斜甄右側厚二寸二分左側厚一寸二分長一尺七寸八分廣六寸八分左側文凡十四字並八分書出瑞安十二都焦石丁家山今藏百晉精廬

孫詒讓案晉元帝建武二年戊寅三月即皇帝位
改元太興北燕馮宏亦有太興紀元此非其正朔所及其三年歲在庚

辰此甄出於廢冢中文極秀整說文昇部興起也
大从昇从同同方也此作興者隸體譌變與六書殊
不合後興盜三年殘甄及翟云升隸篇續載晉建
興甄文興字並同蓋晉時流俗相承多如此作矣
作下一字爲贄尤奇詭罕觀以形聲求之蓋卽贄
之變體馮氏浙江甄錄載湖州陳氏所藏吳鳳皇
甄文云鳳皇元年施氏作贄與此甄可互證改之
蓋作贄者之名

咸和元年殘甄文

咸和元年八

右甄厚寸分廣寸分下半斷缺長不可

計右側存文凡五字並八分反書瑞安典史江盩

李濱得於西峴山

孫詒讓案晉成帝以太寧三年乙酉閏月即位明
年二月改元咸和此甄八月作距改元僅六月也

咸和三年甄文

咸和三年太歲亥丁未七月廿日就切

右甄厚二寸一分長一尺五寸七分廣六寸二分

右側文凡十五字並八分反書出永嘉東門內華

蓋山今藏百晉精廬

孫詒讓案咸和三年歲在戊子此甄文云太歲亥

既差一年下又箸丁未二字於文尤不可通然字

畫完備絕無模黏不案作范時何以略不檢覈迺
有此譌舛重沓也甄末云就切者切蓋功字之誤
後永和四年孝子甄文永和十一年甄文並不就
功之語可據彼以校此也其就字作就者說文京
部云就高也从京从尤尤異於凡也此變尤爲龙
宋劉球隸韻四十九宥載漢江原長進德碣就字
作就王君石路碑作就婁機漢隸字原四十九宥
載漢武梁碑作就高頤碑作就顧藹吉隸辨四十
九宥載漢造橋碑作就魯峻碑作就翟氏隸篇京
部載漢祀三公山碑作就並與此同此甄文字疏
率出塼埴工匠之手未經文士察校故譌文疊見
然如就之作就獨與兩京碑版符合蓋其時去古
未遠雖鄉曲俗書亦尙有分隸遺架固非北碑詭
別字體馮朮變撰者所可同日語矣

章恨甄文

咸和四年八月章楓作

右甄厚二寸二分廣五寸八分中斷長不可計上
端文凡九字並八分反書出瑞安西門內西峴山
巔今藏百晉精廬

孫詒讓案咸和四年歲在己丑章楓蓋人姓名鄧
名世古今姓氏書辨證十陽引元和姓纂云章氏
出自姜姓齊太公支孫封國於鄆子孫去邑爲章
氏有南郡吳興二望今永樂大典本姓纂此條又缺佚不完據此甄
及後升平二年甄別種章洋姓名則晉時永嘉章

氏殊繁盛矣。根字从艸从艮，蓋卽恨字。漢晉隸碑从心字多从篆作卍，或變作卍，作卍。此作卍，又其變體惟全甄文。悉反書惟此。根字左形右聲，又是正書獨爲殊異。然甄文反正任意，殊無定例。如宋洪适隸續載漢永初七年官鑿文二種，並通體正書惟一七字反書一官字反書。浙江甄錄載寧波所出吳黃武七年甄文通體反書，惟七年二字正書。是兩漢三國甄文已有此體。今所見晉宋諸璧此類尤衆，殆未可以範金刻石之常例繩之也。

咸和六年甄文

咸和六年九月廿八日

右甄厚二寸四分，長一尺七寸二分，廣六寸，右側

文凡九字，並反書。出瑞安十一都東山舒獻臺山。今藏百晉精廬。咸和六年歲在辛卯。

咸康三年甄文

咸康三年歲在丁酉八月十四日造

右甄厚二寸四分，長一尺五寸，廣五寸二分，右側文凡十四字，並八分反書。出瑞安西門外西峴山。陽今藏百晉精廬。

孫詒讓案：晉成帝咸和九年乙未正月改元咸康。前蜀王衍亦有咸康紀元。此非其正朔所及。甄文在右側，其左側爲華

紋，間以四出大泉文。徑漢尺二寸許，一橫書五十二字，一橫直各書五十二字，並篆書形制。似放新莽大泉然，莽泉大徑寸二分，無逾二寸者。又其文

並云大泉五十無塵作五十二字及以五十二字
橫直互書者此甄文與彼殊不合蓋工匠作範時
任意圖畫不必有所放也

咸康六年甄文

咸康六年太歲在庚子八月十日作

右斜甄右側厚一寸九分左側厚一寸二分長一
尺五寸八分廣五寸八分右側文凡十四字並八
分反書出永嘉東門內華蓋山今藏百晉精廬此
甄與前咸和三年甄同處出土隸勢絕瘦勁惜所
得多斷裂合數甄拓校始得其全文也

建元甄文

建元□年太歲在癸卯八月五日□□

右甄厚二寸四分長一尺六寸廣六寸右側文凡
十六字並八分反書年上一字及末二字並漫滅
不可辨出瑞安廿四都蘆浦師子山路側廢冢中
今藏百晉精廬

孫詒讓案諸史以建元紀元者凡六其正朔及於
浙東者惟漢武帝晉康帝齊高帝漢武帝建元元
年歲在辛丑其三年直癸卯又晉康帝以咸康八
年壬寅六月卽位明年癸卯正月改元建元此甄
有太歲在癸卯之文而年上適缺一字以形製及
隸勢衆之不類漢晉當是晉康帝時物年上所缺
蓋元字也

翁氏甄文 附二種

建元二年八月廿四日翁氏

翁氏

陳氏

右甄三種一厚二寸二分長一尺六寸廣六寸右側文凡十四字並八分反書一斜甄右側厚二寸二分左側厚一寸二分長一尺六寸廣六寸右側文曰翁氏二字正書一厚二寸二分長一尺六寸廣六寸右側文曰陳氏二字篆書反寫並出瑞安廿四都蘆浦師子山路側廢冢中今藏百晉精廬孫詒讓案晉康帝建元二年歲在甲辰此甄與前建元癸卯甄同處出土別有二甄無年月蓋皆彼時所作翁姓見於史者漢有翁伯見史記貨殖傳

魏晉六朝時此姓絕少據此甄則晉時永嘉固有此姓矣弟四甄為華紋各畫方匡畝之以篆書陳氏二字分廁於華紋之間其陳氏字偏旁變自為目則又略參隸體民字上半與民字頗相類然左邊曲筆斜上而更無橫筆則又與民小異古璧文中此字甚多以文義家之蓋皆氏之變體後升平氏甄氏字亦如此作翟氏隸篇續載呂佺孫所得泰和六年黃民甄其民字作氏與此氏字正同黃民亦當作黃氏翟氏蓋誤釋後永和十年及永和十一年升平元年升平三年別種四甄並有此二字華紋亦大略相似泰和四年甄左側亦有篆書陳此冢既屬翁氏不應復有陳姓疑陳氏為彼時陶旃名匠故所作甄至如此之多猶兩浙金石志載太康三年

在

甄二種及阮文達於揚州濬河所得吳甄並有蜀師字也

孝子甄文二種

永和四年太歲在任申八月十八日熊功
在任申八月十八日熊功

右甄二種一厚二寸二分長一尺六寸三分廣六寸四分右側文凡十六字左側文曰孝子二字並八分反書一殘斜甄右側厚二寸一分左側厚一寸二分廣大寸一分上半斷缺長不可計右側存文凡九字亦八分反書同出永嘉東門內華蓋山廢家中今藏百晉精廬

孫詒讓案諸史以永和紀元者凡五其正朔及於

浙東者惟漢順帝及晉穆帝漢永和四年歲在己卯不直戊申惟晉穆帝以建元二年甲辰九月即位明年乙巳正月改元永和其四年正直戊申此甄作任申者隸篇續載晉太歲甲戌甄戌字作𠄎此戌字反書作任與彼正相類蓋以篆書𠄎字就其屈曲之勢變為方整則成𠄎形摹效失其本意乃類任字或讀為任申以為壬借任為之然永和四年太歲實直戊申非壬申也就功就字作熊與咸和三年甄文同就功者蓋謂建造冢域功役成就猶宅甄云立功也甄左側為華紋華紋之間別為孝子二字蓋建冢者自稱

隸釋漢武梁景君兩碑並有孝子之稱

宋民甄文

永和五年八月廿日宋民

右甄厚二寸二分長一尺六寸六分廣五寸七分
右側文凡十字並反書惟末一字正書出瑞安西
門內西峴山巔今藏百晉精廬

孫詒讓案永和五年歲在己酉甄文年字作辛形
殊奇詭古金石文字所未見宋民疑亦宋氏之變
體然此甄民字筆畫完具與它甄氏字作民者又
小異今姑釋爲民而增識其疑於此

永和七年甄文

永和七年歲在辛亥

右甄厚二寸三分長一尺五寸廣六寸三分右側
文凡八字出瑞安西門外西峴山麓今藏百晉精

廬

孫詒讓案漢永和止六年惟晉永和有七年其年
正直辛亥與此甄合文在右側每字悉以橫格畧
之馮氏浙江甄錄載吳鳳皇元年范氏甄與此同
永和九年甄文
永和九年八月一日成也

右甄厚二寸二分長一尺五寸廣六寸五分右側
文凡十字並八分書出永嘉東門內華蓋山今藏
百晉精廬

孫詒讓案永和九年歲在癸丑甄文簡略罕用助
語惟此甄及浙江甄錄所載周行思甄文云建興
四年八月十五日周行思造作也並以也字綴尾

亦古甕中所罕見甄左側及上下兩端並有華紋
左側華紋內爲四出文泉二弟二泉輪郭左右有
篆書五五二字洪遵泉志奇品門引梁顧烜泉譜
載雙五泉與此正相似彼泉顧洪並不詳其時代
據此甄文則晉時已有此製矣

孝子徐弘甄文二種

和永九年 孝子徐弘

右甄厚二寸長一尺五寸五分廣五寸五分右側
文曰和永九年左側文曰孝子徐弘各四字出瑞
安東門外隆山令藏百晉精廬

孫詒讓案諸史無和永紀元當是永和之誤作範
時偶傾到書耳徐弘亦作甕者姓名兩側各爲四

匡每匡一字左側字閒又多爲直畫聯綴遂道莫
詳其例也又一種厚二寸長一尺五寸五分廣五
寸七分兩側文及形製並與前甄同惟左側字閒
不爲直畫蓋與彼異範出瑞安東門外栖隱寺後

山

陳氏甄文 增一種

永和十年八月廿二日作 陳氏

平

右甄二種一厚二寸一分長一尺七寸廣六寸二
分右側文凡十字並八分反書一斜甄右側厚二
寸一分左側厚一寸二分廣五寸七分下半斷失
長不可計上端有一平字同出瑞安西門內西峴

山巔廢冢中今藏百晉精廬

孫詒讓案永和十年歲在甲寅甄上下端並為華紋字在其閒其左側篆書陳氏二字分廁於華紋之閒與前建元元年翁氏甄別種文並同

永和口年殘甄文

永和口年八

右甄厚二寸廣六寸一分下半斷失長不可計右側存文凡四字並反書出瑞安東門外萬松山麓今藏百晉精廬甄文每字為橫格盼之與前永和七年及孝子徐弼甄文並同惟年上缺一字無從攷其年數今姑附於永和十年之後

永和十一年甄文 增三種

永和十一年太歲在乙卯八月十二日能功

陳氏 又一種文同

平

右甄四種一厚二寸五分長一尺七寸廣五寸八分右側文凡十七字並八分書一厚二寸二分長一尺六寸五分廣六寸二分文曰陳氏二字篆書反寫分廁於華紋之間一尺度文並同前華紋小異一斜甄右側厚二寸左側厚一寸二分廣五寸八分下半斷失長不可計上端有一平字同出瑞安廿四都林奧朱宅山廢冢中今藏百晉精廬孫詒讓案甄文分書殊古勁就字作茲與前咸和三年永和四年兩甄文同爾時書學大盛江左簡

翰照耀百代此甄文疑亦出工書佳手非拙陋工
匠所能爲也其第二第三兩甄與前建元二年永
和十年諸甄同第四斜甄端爲一平字亦與永和
十年甄同

升平元年八月甄文

升平元年八月作

右甄厚二寸廣五寸七分下半斷失長不可計右

側文凡七字出瑞安十一都東山舒歛臺山今藏

百晉精廬

孫詒讓案晉穆帝永和十三年正月改元升平其
年歲在丁巳甄出土者率皆甄斷文在右側上半
其下半別爲華紋無文字斷處適當華紋文無缺

佚

升平元年九月甄文

增二種

升平元年九月十五日作

章洋作此

陳氏

右甄三種一厚二寸七分長一尺六寸八分廣六

寸七分右側文凡十字並反書一厚二寸三分長

一尺六寸五分廣六寸五分上端文曰章洋作此

四字亦反書一厚二寸二分長一尺六寸廣六寸

右側文曰陳氏篆書反寫分厠於華紋之間同出

瑞安廿四都小奧山廢冢中今藏百晉精廬

孫詒讓案升說文作𠂔云从斗亦象形隸變作升

又變作井此甄作井復多一筆後魯氏甄文丁氏
甄文井平三年甄文樂安令甄文井字並同攷太
亨三年爨寶子碑升字亦作井則晉時俗書相承
並如是作隋唐人書碑亦多如此隸篇載井平五
年甄升字反書
亦作弟二甄章洋益作甄者姓名洋當即洋字惟
隸書從羊之字並止作三橫筆此乃作四橫筆殊
不可解弟三甄與前建元二年以下三甄文同

魯氏甄文 二種

井平三年九月十二日魯氏

右甄二種一厚一寸九分長一尺九寸廣七寸四
分右側文凡十一字並反書一斜甄右側厚二寸
四分左側厚一寸四分長一尺八寸廣七寸七分

左側文與前同筆畫小異同出瑞安廿四都蘆浦
大車嶺今藏百晉精廬

孫詒讓案是年歲在戊午甄文魯氏字作魯略兼
艸勢氏字作氏則與前建元永和井平諸甄陳氏
字同

丁字甄文 三種

井平三年太歲未九月十三日

丁

右甄三種一厚二寸四分長一尺六寸二分廣六
寸一分右側文凡十二字並反書左側華紋上下
各爲四出泉文上泉文之內右偏作一丁字一厚
二寸四分長一尺六寸五分廣五寸七分右側文
與弟一種同惟位置略疏又年字作年與彼小異

左側泉文內無字一尺度及兩側文並與弟二種同下端有陰文寧拜言三字同出瑞安十二都焦石雙山今藏百晉精廬

孫詒讓案升平三年歲在己未此云太歲未者文不具也第三甄寧拜言三字陰文絕細瘦余所得古璧文並陽文凸起惟此甄及後宋元嘉廿二年甄別種獨窆下為陰文其字乃泥埴脫范未經火時斲劃而成其沂鄂痕跡諦案猶可辨蓋工匠等偶戲為之無文義可說也其寧字作寧亦古金石文字所未見

升平三年甄文 增一種

升平三年太歲未

陳氏

右甄二種一殘斜甄厚■寸■分廣■寸■分下半斷失長不可計存文凡七字並反書一厚■寸■分長一尺■寸廣■寸■分文曰陳氏二字篆書出瑞安西門內西峴山陽廢冢中今藏百晉精廬弟一甄文與前丁字甄文同惟筆畫小異下半當尚有月日甄缺不可攷弟二甄文亦與前建元永和升平諸甄文並同

樂安令甄文 三種

升平四年九月十日藝苑 樂安令 李計儲

升平四年九月十日藝苑 樂安令

升平四年九月十日藝苑

右甄三種一厚二寸五分長一尺五寸五分廣八寸一分右側文十字上端文曰樂安令三字下端文曰李計儲三字並反書一厚二寸七分長一尺六寸二分廣八寸七分側文端文並與第一種同惟下端無李計儲三字一厚二寸六分廣七寸八分中斷長不可計側文亦並與第一種同惟年作季又並正書上下端有華紋無字與彼小異出瑞安十一都周奧山今藏百晉精廬

孫詒讓案升平四年歲在庚申藝苑蓋即璧范之變體謂作璧之形模也璧本从辟得聲此變為从薛聲字書所無苑者蓋苑之省隸釋漢童子逢盛碑制中園苑洪文惠跋謂苑與帆音同

集韻類篇並以苑為

船之或體船音符咸切故洪云與帆音同實則船字說文所無而苑已見漢碑不必苑為船之重文也此借苑為范愚謂說文艸部范艸也竹部范法也則凡模范字並當作范禮記禮運范金合土乃借范為范逢盛碑之園苑亦借范為范而又變作苑此甄苑字則又省苑為苑蓋甄文雖多譌別字然晉去兩漢未遠形聲省變往往本於漢隸與鄉壁虛造固有區別矣兩端文云樂安令李計儲李蓋即樂安令之姓此殆其冢璧也攷東晉時樂安縣有二一屬江州鄱陽郡宋書州郡志云吳立一屬揚州臨海郡宋志云晉康帝分始豐立晉書地理志失載臨海郡此璧作於升平四年正在康帝之後未知李君所官果隸何郡計儲疑是州郡掾曹之名

於史無攷宋書百官志謂諸郡各有舊俗諸曹名號往往不同則史志所不詳者當復不少又晉宋以後州郡僚吏或兼領縣令如南史周顒傳稱顒爲益州刺史蕭惠開府主簿帶肥鄉成都二縣令卽是其例此李君或卽以倉儲掾曹而領樂安令故璧范兩箸之也

周祖殘甄文

升平五年□月廿一日周祖作

右殘甄厚二寸五分廣六寸五分中斷長不可計右側文凡十二字並反書出瑞安小東門外菜圃牆闕今藏百晉精廬甄已破甄合斷甄數由拓其殘文互相校補始略可讀然猶缺月上一字升平

五年歲在辛酉是年五月穆帝崩哀帝卽位次年

卽改元隆和矣周祖蓋作甄者姓名章宗此非其

興寧殘甄文

興寧三年

右甄厚二寸二分廣五寸三分下半斷失長不可計右側存文凡四字出瑞安東門外隆山今藏百晉精廬

孫詒讓案晉哀帝隆和二年癸亥改元興寧其三年歲在乙丑是年二月帝崩琅邪王奕卽位次年

卽改元泰和矣

大中公甄文

三種

泰和二年八月十日建公夫 大中公 卯年王

東陽金石記卷之二
泰和二年八月十日建公夫 卯年王
泰和二年丁卯八月壬辰朔十日癸酉

右甄三種一厚二寸三分長一尺六寸八分廣六寸六分右側文凡十一字上端文曰大中公中三字下端文曰卯年王三字並入分反書一廣長尺度及側文並與第一種同上端無文下端亦曰卯年王三字一斜甄右側厚二寸一分左側厚一寸四分長一尺七寸五分廣六寸九分左側文凡十五字亦並反書出瑞安廿四都下灣水西洞山破冢與中今藏百晉精廬

孫詒讓案泰和紀元見於史者惟金章宗此非其正朔所及且其二年亦不直丁卯此外以太和紀

元者凡七其正朔及於浙東者惟晉廢帝以興寧

三年乙丑卽位次年丙寅正月改元太和其二年

正直丁卯唐文宗大和紀元俗本唐書亦誤作太和宋本新唐書元本通鑑並不誤與

此甄合攷說文水部發字注云滑也从収水大聲

重文太注云古文泰是太卽泰字古文之變體古

人本不甚分別隸釋魏元不碑云遭泰夫隋書經

籍志史部有晉泰和起居注六卷字正作泰兩浙

金石志載泰和四年甄文隸篇載泰和諸甄文亦

並定爲晉物則此爲晉贗無疑建公夫夫字適當

甄末位置迫窄僅存上半公夫猶云功夫謂建造

冢之功役與今俗語略同浙江甄錄載湖州陳氏

所藏永嘉甄文亦云永嘉二年八月卅日立功夫

足與此甄互證攷三國志魏二少帝紀齊王芳詔
已有徒棄功夫之語又不自晉始矣大公中之稱
諸史及古金石文字並未見攷隸釋載孫根碑陰
孫孝考等十四人並稱大中洪跋謂大中卽大中
正省其正字耳其說殊塙此甄之大公中疑亦卽
大中正也大中正是在孫吳謂之大公平三國志潘
濬傳注引襄陽記云襄陽習温爲荊州大公平是
也然則孫吳以中正爲公平此甄以中正爲公中
正其例矣或謂廣韻上平聲一東公字注載漢複
姓有大公氏引世本有大公叔穎則此
大中公疑亦人姓名然大公姓史籍希觀世本所
記遠在周代晉時未必尙有此姓未可援以證此
也卯年王者王讀爲王相之王以歲次丁卯故有
此語惟泰和二年八月朔日據通鑑目錄載劉義

交所推長厯作庚寅朔其十日當爲己亥近人烏

程汪曰楨著厯代長術所推朔日亦同此第三甄

云八月壬辰朔十日癸酉與彼不合詒讓復以晉

泰始厯覆推之亦與劉汪同泰始厯卽魏楊偉景
初厯晉武帝泰始元

年仍魏厯改名迄於晉亡
並用之其術具晉宋二志則此甄塙是誤文且卽

以壬辰朔推之其十日亦直辛丑不當爲癸酉甄

文已自相抵牾蓋范埴時偶爾不察遂有茲失矣

泰和二年八月甄文

泰和二年八月廿二日立作

右甄厚一寸六分長一尺四寸三分廣六寸右側

文凡十一字出瑞安東門外萬松山麓今藏百晉

精廬

孫詒讓案此甄與前大公中甄同年同月所作立
作者猶前太興三年改之甄文云立功作璧也

泰和二年八月殘甄文

泰和二年八

右殘甄文厚二寸廣五寸八分下半斷失長不可
計右側存文凡五字並反書出瑞安十二都周奧
山今藏百晉精廬

泰和二年九月甄文

泰和二年九月十一日作

古甄厚一尺一分長一尺一寸廣一寸二分右側
文曰泰和二年九月十一日作出瑞安二十六都
湖山頭山今藏百晉精廬甄文大小與大公中甄

略同而書勢尤險勁晉璧中所產見也

泰和三年殘甄文

泰和三年八月廿三日□□

右殘斜甄右側厚一寸八分左側厚一寸二分廣
五寸五分中斷長不可計右側文凡十一字出瑞
安東門外隆山今藏百晉精廬按泰和三年歲在
戊辰

陳口甄文

泰和四年八月十五日治作 嘴□

右甄厚二寸長一尺八寸廣五寸七分右側文凡
十一字並反書出瑞安廿四都林奧朱宅山麓今
藏百晉精廬

孫詒讓案是年歲在己巳治作猶言造作兩浙金石志載漢萬歲甄文亦有九月廿日造治之文與此甄治作同甄文在右側其左側爲華紋而閱以篆書陳口二字於華紋之間與前建元永和升平諸甄陳氏字樣正同惟下一字明白無缺篆體詭異未詳其爲何字也

泰和四年甄文

泰和四年作此

右甄厚二寸四分廣五寸七分中斷長不可計右側文凡六字出瑞安西門內西峴山巔今藏百晉精廬此甄與後寧康六年甄並已軋斷合數殘甄拓校之始得其全

寧康元年甄文

寧康元年八月作

右甄厚二寸一分廣六寸二分中斷長不可計右側文凡七字並八分反書出瑞安西門內西峴山巔今藏百晉精廬案晉孝武以咸安二年壬申七月卽位次年正月改元寧康其年歲在癸酉

寧康三年八月甄文

二種

寧康三年乙亥歲八月十日

寧康三年八月十日

右甄二種厚一寸八分長一尺六寸二分廣六寸一分右側文凡十一字並反書一厚一寸八分長一尺六寸三分廣五寸六分右側文凡八字亦並

反書出永嘉東門內海壇山今藏百晉精廬

寧康三年殘甄文

寧康三年

右甄厚一寸七分廣五寸六分下半斷失長不可

計右側存文凡四字出瑞安東門外栖隱寺後山

今藏百晉精廬

太元元年甄文

太元元年作

右甄厚二寸長一尺四寸六分廣六寸右側文凡

五字出永嘉東門內海壇山今藏百晉精廬

孫詒讓案諸史以太元紀年者凡三其正朔及於

浙東者惟吳大帝晉孝武帝吳大帝赤烏十四年

辛未五月改元太元止於二年晉孝武帝寧康四

年丙子正月改元太元止於二十一年此甄不書

甲子無由定其為吳為晉然余所得晉太元甄逾

十種此甄文字形制並與相類必非吳物故仍冠

晉太元諸甄之前焉

太元二年甄文

太元二年八月廿二日丁酉元配坤口

右甄厚一寸九分廣六寸下半斷失長不可計右

側文凡十字左側文凡四字出瑞安一都白門山

今藏百晉精廬

孫詒讓案晉太元二年歲在丁丑甄文右側上下

並為華紋中為一方匡內有元配坤口四字末一

字不可辨蓋夫爲妻建冢作甃故有元配之稱矣

太元四年甄文

太元四年八月十日口甃功

右甄厚二寸二分廣六寸九分中斷長不可計右側文凡十一字並反書一斜甄右側厚二寸二分左側厚一寸四分廣七寸五分右側存八月十日四字出瑞安一都白門山今藏百晉精廬

太元六年甄文

晉太元六年太歲在辛巳七月庚午朔廿日作

右斜甄右側厚二寸二分左側厚一寸八分長一尺六寸廣八寸三分左側文凡十八字出瑞安十二都焦石大貓洋今藏百晉精廬

太元七年殘甄文一種

太元七年八月

右殘甄二種一厚五寸七分廣一寸八分下半斷失右側存文凡六字出永嘉生薑門外松臺山麓一厚一寸九分廣六寸二分中斷長不可計右側存文與第一種同出永嘉東門內海壇山今並藏百晉精廬案是年歲在壬午

太元十年甄文

太元十年八月一日太歲在乙欽

右甄厚二寸一分長一尺六寸廣六寸二分右側文凡十二字上篇文曰欽凡一字出瑞安西門內西峴山巔今藏百晉精廬案是年歲在乙酉

太元十二年甄文

太元十二年九月廿一日作璧

右甄厚一寸八分長一尺五寸廣五寸六分右側文凡十二字並反書出瑞安東門外隆山今藏百晉精廬案是年歲在戊子

太元十八年甄文

太元十八年閏月十五日作

右甄厚一寸九分長一尺四寸五分廣六寸三分右側文凡十一字並反書出瑞安西門內西峴山巔今藏百晉精廬

孫詒讓案太元十八年歲在癸巳晉書孝武帝紀

太元十八年七月後書閏月妖賊司馬徽聚黨於

馬頭山據通鑑目錄及歷代長術其年閏七月並與此甄合

李字甄文

太元十八年太歲癸巳八月十一日作此 李

右甄厚二寸長一尺五寸廣六寸四分右側文凡十六字並反書左側文曰李凡一字出永嘉東門華蓋山麓今藏百晉精廬案李蓋作璧者之姓

李何甄文

太元十九年歲壬午八月十日 李何

右甄厚二寸三分長一尺七寸廣六寸二分右側文凡十三字並反書上箒文曰李何凡二字亦反書出永嘉東門外華蓋山麓今藏百晉精廬

東陽金石志 卷之二
孫詒讓案太元十九年歲在甲午甄文云壬午者蓋作范時偶誤此甄與前李字甄同時拾得作甄年月相距不遠又並屬李姓蓋一家所作也

太元十九年九月甄文

太元十九年九月□□作

右斜甄右側厚二寸左側厚一寸長一尺八寸廣六寸七分右側文凡十字並反書出瑞安西門內西峴山巔今藏百晉精廬

太元十九年甄文

太元十九年

右甄厚二寸三分長一尺七寸二分廣六寸二分右側文凡五字出瑞安廿四都下灣水西洞山今

藏百晉精廬

孫詒讓案甄文五字上爲四出泉文下爲玉勝文字在其間與前永和十年陳氏甄式頗相類惟年字作丰則漢晉碑所未見

申作甄文

義熙□年歲在丙午九月作九月申作

右甄厚一寸九分長一尺三寸七分廣五寸二分右側文凡十一字並反書上篇文凡四字出永嘉東門外華蓋山麓今藏百晉精廬

孫詒讓案晉安帝元興四年乙巳正月改元義熙此甄年上一字磨滅不可辨以太歲丙午推之則二年也上篇文云九月申作紀月與側文種復宅

甄所罕見申作者蓋申姓所作也

義熙三年殘甄文

義熙三年九月

右甄厚一寸七分廣五寸五分下半斷失右側文凡六字出瑞安東門外隆山今藏百晉精廬案是年歲在丁未

義熙四年殘甄文

義熙四年八月□□□□

右甄厚一寸九分廣五寸七分中斷長不可計右側存文凡六字並反書餘俱漫滅不可辨出瑞安東門外隆山今藏百晉精廬案是年歲在戊申

義熙十年殘甄文

義熙十年

右甄厚二寸廣六寸三分下半斷失右側存文凡四字出瑞安東門外隆山今藏百晉精廬案是年歲在甲寅

宋

元嘉六年甄文

二種

元嘉六年八月廿日作太歲在己巳

右甄二種一厚一寸四分長一尺五寸二分廣六寸一分右側文凡十四字並反書一尺度及文並

與前同惟字形小異並出瑞安西門內西峴山巔今藏百晉精廬

孫詒讓案諸史以元嘉紀元者凡二漢桓帝元嘉

東國金石志卷之二
元年歲在辛卯其三年卽改元永興惟宋文帝以
景平二年甲子八月卽位改元元嘉其六年正直
己巳與此甄合

元嘉七年甄文

元嘉七年太歲庚午八月十日

右斜甄右側厚一寸九分左側厚一寸一分長一
尺六寸廣六寸二分右側文凡十一字並反書出
瑞安廿四都林奧和尚山今藏百晉精廬

孫詒讓案甄文長短疎密參差錯出遇橫筆輒引
長之以爲盼畫亦古甕中所罕見

黃賀甄文 二種

元嘉九年九月黃賀作

右甄二種一厚二寸一分長一尺五寸廣六寸五
分右側文凡九字並反書一殘斜甄右側厚一寸
九分左側厚一寸二分廣六寸三分中斷長不可
計左側存九月黃賀四字並出瑞安十一都周湖
山今藏百晉精廬案是年歲在壬申黃賀蓋作甄
者姓名

元嘉十年甄文

元嘉十年祭田歲八月壬

右甄厚一寸四分廣六寸四分中斷長不可計右
側文凡十字出瑞安廿四都下灣水西洞山今藏
百晉精廬

孫詒讓案甄文癸酉二字作祭田頗爲奇詭後元

嘉廿二年甄乙酉酉字亦同攷隸韻四十四有載漢童子逢盛碑酉字作酉隸篇酉部載史晨奏銘酉字亦同甄文酉卽酉之變體晉宋楷法固多沿漢隸也云癸酉歲王者與前大公中甄文云卯年王義同

元嘉□年甄文

元嘉□年八月廿三

右甄厚二寸廣六寸七分下半斷失長不可計上脩文凡八字出瑞安西門內西峴山巔今藏百晉精廬

孫詒讓案甄殘缺塵存其半文在甄脩尚完具可讀惟年上一字不可辨元嘉紀元凡三十年此甄

嘉年兩字間止能容一字是十年前所作故坳此

元嘉十四年殘甄文

元嘉十四

右殘甄厚一寸九分廣六寸三分下半斷失長不可計右側文凡四字並反書出瑞安西門內西峴山巔今藏百晉精廬

孫詒讓案是年歲在丁丑甄文塵存上半四字元嘉二年又塵存其半諦案乃可辨與前元嘉□年甄同時拾得而此甄破軋尤甚

元嘉十五年殘甄文

元嘉十五年太歲戊寅

右甄厚四寸四分廣□寸□分下半斷失長不可

計右側存文凡九字瑞安典史李濱得於西峴山
元嘉廿年殘甄文

元嘉廿年

右甄厚一寸八分下半斷失廣長並不可計右側
存文凡四字出瑞安廿四都前洋山今藏百晉精
廬案是年歲在癸未

元嘉廿二年八月殘甄文

宋元嘉廿二年太歲乙酉八月四

右殘甄厚一寸八分廣六寸六分下半斷失右側
存文凡十三字出永嘉東門內華蓋山今藏百晉
精廬

元嘉廿二年九月甄文 增一種

元嘉廿二年太歲乙酉九月

建口令通博神

右甄二種一厚二寸四分長一尺六寸三分廣七
寸一分右側文凡十一字惟乙字反書一尺度與
弟一種同側文漫滅不可辨面有陰文六字同出
瑞安廿四都下灣水西洞山今藏百晉精廬
孫詒讓案甄文西作曲與前元嘉十年甄文同弟
二種甄面有陰文建口令通博神六字亦脫范後
所刻者與前升平二年甄所刻盜拜言三字同蓋
亦工匠所爲也

元嘉廿三年甄文

元嘉廿三年作

賣

右甄厚一寸九分長一尺六寸廣六寸六分右側文凡六字並反書左側文曰賚凡一字出永嘉東門內華蓋山今藏百晉精廬

孫詒讓案元嘉廿三年歲在丙戌甄文六字在右側上半下半爲魚紋頗工致左側上下並爲華紋中著一字从去从買與賚說文衞也賚隸變二字正書並近無文義可推未能埒定爲何字也

魯長甄文二種

元嘉廿四年作魯長

第二種文同

元嘉廿四年作

右甄三種一厚二寸一分長一尺六寸四分廣六寸三分右側文凡八字並反書一厚二寸二分長

一尺五寸八分廣六寸六分右側文六字亦並反書同出瑞安廿四都林奧白墳菴山今藏百晉精廬案是年歲在丁亥魯長蓋作甄者姓名

元嘉廿五年甄文

元嘉廿五年戊子 歲陳□□□□

右甄厚二寸二分廣七寸中斷長不可計上籀文凡七字下籀文泐塵存歲陳二字並反書出瑞安廿四都塔山今藏百晉精廬

孫詒讓案甄文甚道勁惜半磨滅不甚可辨下籀陳字下蓋作甃者之名漫滅無可攷

元嘉廿六年殘甄文

嘉廿六年八月廿日

右殘甄厚二寸二分廣七寸二分下半斷失長不可計右側存文凡八字出永嘉縣學前牆間合藏百晉精廬

孫詒讓案甄兩字並缺紀元厘存一嘉字攷諸史

元號嘉字在弟二字者惟漢成帝之鴻嘉順帝之

陽嘉桓帝宋文帝之元嘉晉懷帝之永嘉漢冲帝永嘉係

訛文陳文帝之天嘉其正朔不及凡六元其有廿

六年者惟宋元嘉其年歲在己丑則此甄嘉上明

缺之字爲元字無疑矣

居士丁農甄文

元嘉廿七年九月世日居士丁諱農 大富貴 大

吉利

右甄厚一寸九分廣六寸中斷長不可計右側文

凡十四字上下箚文各三字並反書出永嘉東門

內海壇山今藏百晉精廬

孫詒讓案元嘉廿七年歲在庚寅據通鑑目錄及

歷代長術是年九月戊午朔大建有世日與此甄

合此丁農墓甃其甃居士者禮記玉藻居士錦帶

鄭注云謂道藝處士也是以居士爲卽處士然六

朝時所謂居士者又與處士不同南史虞寄傳寄

居閩中知刺史陳寶應有異志恐禍及乃著居士

服居東山寺北史陸法和傳法和隱於江陵百里

洲衣食居處一與戒行沙門同梁元帝以爲都督

郢州刺史法和不稱臣自稱居士則爾時所謂居

士者乃清修道術之士與儒冠栖遁者又微異矣

明府薄君甄文

附二種

孝建元年八月朔明府薄君□

任伯宰

右甄三種一厚二寸四分長一尺七寸廣六寸八分右側文凡十二字並反書一厚一寸二分長一尺七寸二分廣六寸一分文曰任伯宰三字一斜甄右側厚二寸左側厚一寸四分廣六寸一分下半斷失長不可計左側文與前同出瑞安廿四都蓋竹貓狸洞山廢冢中今藏百晉精廬

孫詒讓案宋孝武帝以元嘉三十年癸巳四月卽位明年甲午正月改元孝建據通鑑目錄及歷代

長術其年八月乙丑朔此不著日名者文略也明府薄君其人無可攷漢魏時人稱明府者有四一京尹稱明府見後漢書孫寶張湛張霸梁不疑諸傳二郡守亦稱明府見前漢書韓延壽何並龔遂後漢書邳惲周章張皓王龔臧洪鍾皓史弼杜密劉寵彭脩劉翊許揚高獲李郃法真諸傳三國相亦稱明府見隸釋北海相景君銘魯相韓勅造孔廟禮器碑四屬國及丞亦稱明府見隸釋蜀郡屬國辛通達丞李仲曾造橋碑據張湛傳章懷太子注云郡守所居曰府府者尊高之稱是令長以下所居不得曰府則亦不得稱明府明矣世說新語言語篇載崔豹對郡將語則晉時猶以明府爲守

相之稱惟隋書房彥謙傳云彥謙遷長葛令甚有
惠化超授都州司馬吏民相謂曰房明府今去我
屬何用生爲此後世以明府稱縣令之濫觴此明
府薄君不知何官其弟二種甄文云任伯宰則似
薄君實嘗官令長故有此稱若守相則不宜曰宰
也豈縣令之誤稱明府六朝時已相沿莫辨不自
隋始乎薄君冢旣在此或卽邑人通志氏族略載
薄氏望出雁門譙國據此甄則劉宋時永嘉亦有
此姓也

孝建元年九月甄文

孝建元年九月口口作

右甄厚二寸二分廣六寸六分下半斷失長不可

長術其年八月乙丑朔此不著日名者文略也明
府薄君其人無可攷漢魏時人稱明府者有四一
京尹稱明府見後漢書孫寶張湛張霸梁不疑諸
傳二郡守亦稱明府見前漢書韓延壽何並龔遂
後漢書鄧曄周章張皓王龔臧洪鍾皓史弼杜密
劉寵彭脩劉翊許揚高獲李邵法真諸傳三國相
亦稱明府見隸釋北海相景君銘魯相韓勅造孔
廟禮器碑四屬國及丞亦稱明府見隸釋蜀郡屬
國辛通達丞李仲曾造橋碑據張湛傳章懷太子
注云郡守所居曰府府者尊高之稱是令長以下
所居不得曰府則亦不得稱明府明矣世說新語
言語篇載崔豹對郡將語則晉時猶以明府爲守

相之稱惟隋書房彥謙傳云彥謙遷長葛令甚有
惠化超授都州司馬吏民相謂曰房明府今去我
屬何用生爲此後世以明府僭縣令之濫觴此明
府薄君不知何官其弟二種甄文云任伯宰則似
薄君實嘗官令長故有此僭若守相則不宜曰宰
也豈縣令之誤僭明府六朝時已相沿莫辨不自
隋始乎薄君冢旣在此或卽邑人通志氏族略載
薄氏望出雁門譙國據此甄則劉宋時永嘉亦有
此姓也

孝建元年九月甄文

孝建元年九月口口作

右甄厚二寸二分廣六寸六分下半斷失長不可

計右側文凡九字出瑞安廿五都外桐今藏百晉

精廬

孝建元年殘甄文

孝建元

右殘甄厚二寸一分下半斷失長廣並不可計右
側存文凡三字並反書出瑞安十一都周湖殿後
山今藏百晉精廬甄文瘦逸可愛惜殘缺塵存一
角無由得其全文其上端亦尙有畝畫中存半字
亦不可辨矣

張上計甄文

大明元年九月張上計

右斜甄右側厚二寸二分左側厚一寸四分長一

尺七寸二分廣六寸五分右側文凡九字出瑞安
大甘四都蓋竹貓狸洞山今藏百晉精廬

孫詒讓按宋孝武帝孝建四年正月改元大明其
年歲在丁酉張上計者漢制郡國守相歲盡遣吏

上計京師有上計掾史後漢書龐參傳上計掾廣

漢段恭劉翊傳舉上計掾

范式傳長沙上計掾史到京師上書表式行狀隸

釋滄于長夏承碑君為上計掾巴郡太守張納碑

陰上計掾安漢趙壤南陽太守秦頡碑上計掾

或省文徑稱上計後漢書趙壹傳光和元年舉郡

上計板楯蠻傳有漢中上計程包是其例也晉宋

時尚沿其制故宋書百官志云漢制歲遣上計掾

吏各一人條上郡內眾事至今行之是劉宋時外

郡亦有上計掾史之證此張上計蓋即永嘉郡計

吏但不知其為掾為史耳

大明元年殘甄文

右甄厚一寸六分廣五寸九分下半斷長不可計
右側存文凡四字出永嘉東門內積穀山下土牆
閒今藏百晉精廬甄下箭斷失年字殘缺廬存半
字

魯猶子甄文 三種

大明四年庚子歲九月孤子魯猶子作

右甄厚二寸一分廣六寸九分中斷長不可計右

側文凡十五字並反書一厚二寸一分廣七寸二

分上半斷失長不可計右側存孤子魯猶子作六

字一斜甄右側厚二寸左側厚一寸二分廣七寸一分中斷長不可計左側文與前同出瑞安廿四都林奧朱宅山今藏百晉精廬

大明六年甄文

大明六年九月建巒

右甄厚二寸分長一尺一寸分廣一寸四分

右側文凡八字並反書出樂清鄭君夢白所藏今據拓本錄入案大明六年歲在壬寅

大明七年殘甄文

大明七年七

右殘斜甄右側厚二寸左側厚一寸四分廣六寸下半斷失長不可計左側存文凡五字並反書出

瑞安東門外萬松山麓今藏百晉精廬按大明七年歲在癸卯甄文年字下尙有一七字蓋是年七月所作也右側爲魚文極精致惜已斷缺

曹嗣祖甄文

泰始三年孤子曹嗣祖駟奴基

右甄厚二寸長一尺五寸八分廣六寸七分右側

文凡十四字出瑞安廿四都蘆浦今藏百晉精廬

孫詒讓按諸史以泰始紀元者凡三晉武帝泰始

三年丁亥卽吳孫皓寶鼎二年其時瑞安爲吳臨

海郡安固縣地非晉正朔所及宋益州賊程道養

亦有泰始紀元偏方僞朔尤無由及此惟宋明帝

則以景和元年乙巳十二月卽位改元泰始

又漢武帝

梁侯景並紀元其三年歲在丁未是時安固屬揚
太始與此小異州永嘉郡正其正朔所及則此甄爲劉宋物無疑
矣甄文云孤子曹嗣祖駟叔基基兄弟二人同建
墓作璧也嗣說文从冊从口司聲此甄左从扁與
六書殊不合然宋大明二年爨龍顏碑後魏景明
四年侯太妃造象題字嗣字並如是作蓋六朝時
通行之譌體基當卽葬之別體俗書葬字多作基
見後富公相甄文故又變爲基也

秦始六年甄文

秦始六年七月十八日作此

右甄厚二寸一分長一尺七寸二分廣六寸二分
右側文凡十一字並反書出瑞安十一都周湖山

今藏百晉精廬按宋秦始六年歲在庚戌

太豫甄文

太豫元年八月廿七日

右甄厚一寸八分長一尺五寸三分廣六寸右側
文凡九字並反書出瑞安廿四都蓋竹大墳山麓
今藏百晉精廬

孫詒讓按宋明帝秦始八年正月改元秦豫其年

歲在壬子太秦字通故此甄作太豫猶晉廢帝太
和紀元甄文多作泰和也又甄文廿七字下爲一
泉文其中從橫畫之若井字者而以日字綴於泉
文之下與前八字不相連屬馮氏浙江甄錄載寧
波所出漢永元十一年甄中亦有泉文二在元十

二字之間與此甄正相類

齊

建元元年甄文

建元元年太歲己未八月十日□□

□三人並莖妹共作此甕□

右甄厚二寸長一尺五寸八分廣六寸七分右側

文凡十四字左側文凡十一字並反書出瑞安東

門外栖隱寺後山今藏百晉精廬

孫詒讓案建元紀元凡六

詳前晉建元甄文下

惟齊高帝以

宋昇平三年四月卽位改元建元其四年正直已

未與此甄合甄文葬作莖卽俗書莖字變體

詳後富公

相甄姊作妹尤譌俗不合六書金石文字所未見

也

永明七年殘甄文

齊永明七年

右殘甄厚二寸下半斜斷廣長並不可計右側存

文凡五字出瑞安廿四都葢竹大墳山麓菜園牆

閒今藏百晉精廬按齊武帝以建元四年壬戌卽

位次年癸亥正月改元永明其七年歲在己巳

廬□孝甄文

齊建□□年太歲乙□九月丁卯朔十日丙子哀子

廬□孝建

右甄厚二寸二分長一尺五寸三分廣七寸五分

右側文凡廿四字出永嘉東門內海壇山今藏百

晉精廬

孫詒讓按甄首僅存齊建二字攷齊明帝以延興元年甲戌十月卽位改元建武其二年歲在乙亥攷通鑑目錄及歷代長術是年九月丁卯朔與此甄正合則建下所缺者必武二二字也

富公相甄文

二種

永泰元年太歲戊寅九月孤子富公相作墓母

永泰元年作 富公相墓母

右甄二種一厚一寸七分廣六寸八分中斷長不可計右側文凡十八字並反書一斜斷甄右側厚二寸左側厚一寸二分廣七寸上下篆文各五字出瑞安西門內西峴山巔今藏百晉精廬

孫詒讓按諸史以永泰紀元者凡二一齊明帝以建武五年四月改元永泰其年歲次戊寅一唐代宗廣德三年正月改元永泰其年歲次乙巳此甄旣云太歲戊寅則爲齊巒無疑是年七月明帝崩此甄作於九月東昏侯寶卷卽位已三月矣富公天相人姓名元和姓纂四十九宥載富姓有陳留蘭陵二望據此甄則六朝時永嘉固有此姓也甄爲公相葬母所作而自稱孤子攷今人父亡稱孤子母亡稱哀子蓋始於唐開元禮六朝以前則無此區別故宋書廬陵王休若傳謝沈居母喪自稱孤子袁粲傳粲丁母憂謂諸將曰孤子受先帝顧託本以死報今日當與諸護軍同死社稷並以母喪

而稱孤子此甄亦然則知孤子之稱可通于父母之喪矣甄文寅作寅與北齊少林寺董洪達造象碑同唐石刻亦多如是作葬作莖與後魏司馬景和妻孟氏墓誌同並六朝時通行之譌體也

梁

天監元年殘甄文

天監紀元九月造楚

右殘甄厚一寸九分廣六寸下半斷夫長不可計右側存文凡八字出平陽門外鳳山今藏百晉精廬按梁武帝以齊中興二年壬午四月受禪改元天監是甄作於九月距受禪僅五月也

天監十年殘甄文

天監十年

右殘甄厚一寸九分廣六寸二分下半斷失長不可計右側存文凡四字並反書出瑞安東門外城隍殿街菜圃牆間今藏百晉精廬按天監十年歲在辛卯甄殘缺塵存首四字其年字下尙有殘書諦案似是十字或七字蓋紀月數也

普通二年甄文

梁普通二年太歲辛丑安曆吉利万世安隱

右斜甄右側厚二寸二分左側厚一寸一分長一尺七寸七分廣八寸二分左側文凡十七字出瑞安廿四都林奧東壇山今藏百晉精廬

孫詒讓按梁武帝天監十九年庚子正月改元普

通說文厂部厝厲石也从厂省聲此甄作厝从尸
誤安厝卽安措之借字孝經喪親章云卜其宅兆
而安措之陸氏釋文載鄭注本作厝三國志蜀后
妃傳載諸葛亮請追諡昭烈皇后表云園陵將成
梁安厝有期又魏后妃傳裴注引魏書郭后哀策文
普云背三允以潛翳就黃墟而安厝文選潘岳寡婦
賦云痛存亡之殊制將遷神而安厝並依鄭本迄
今相承猶有此語自唐明皇注孝經不依鄭本俗
語流傳迷其本始幾不知安厝之本孝經矣安隱
卽安穩毛詩大雅緜鄭箋云民心定乃安隱其居
釋文不爲隱字發音則六朝時
讀安隱字亦不爲烏本切也其見於碑版者漢
天永平六年開通褒斜道石刻云益州東至京師去

就安隱

今所見拓本此二語泐
失此據宋晏袤釋文

後魏永平四年

和寺尼道僧等造彌勒象記云清信女周阿足願
現世安隱又陶宗儀古刻叢鈔載梁大同六年孝
敬寺石志云現世兒孫長幼並願安隱古今法書
苑載王羲之帖亦有袁彭祖過江比想安隱耳之
語是安隱爲漢魏六朝人常語說文新坵始有穩
字注云穀聚也一曰安也古通用安隱其字蓋出
六朝以後非古也
宋大廣益會玉篇禾部有穩字
蓋宋人所增非顧氏元書所有

普通二年九月甄文

梁普通二年太歲辛丑九月廿日永口

右甄厚二寸五分長一尺五寸七分廣五寸七分
右側文凡十五字出永嘉東門內華蓋山今藏百

晉精廬甄上下端並有缺泐通二兩字正當泐處
塵存殘畫以太歲辛丑推之知其爲二年也永下
一字从心似寔字其下疑尙有一字刻缺不可攷
矣

曹存基甄文

天大正始元年□子曹存基□基全

右甄厚一寸八分廣六寸五分中斷長不可計右
側文凡十五字並反書出瑞安二十四都蘆浦今
藏百晉精廬

孫詒讓按甄首大字上多一畫類天字次字點畫
粗互初不辨其爲何字諦案之乃知作范時本爲
天正二字後乃改爲大始雖涂易繆錯而始字右

芴之女

甄文反書故左聲右形

及正字左半均明析可勿泐

江甄錄載晉咸康八年甄文作咸康益年馮氏定
爲以四年舊范改作八年故筆畫複疊卽其例矣
攷梁書侯景傳簡文帝大寶二年八月景廢帝迎
豫章王棟卽皇帝位改元爲天正元年十一月景
又矯蕭棟詔禪位於己改元爲太始此甄之作適
在其月故改紀大始也

大太字通詳前大康甄文下

惟景傳載

是年十月景未篡位之先張彪攻永嘉太守秦遠
降彪

秦遠蓋景所署永嘉太守

南史張彪傳載彪起義時卽奉

表元帝是時元帝尙稱武帝太清五年則永嘉旣
屬張彪不宜復奉僞朔然彼時中原鼎沸數月之
閒元號婁易一州之內正朔不同永嘉僻遠傳聞

不能翔實故誤以偽朔紀年亦事所宜有固不必以不奉太清舊號為疑矣曹存基口基蓋兄弟二人同作贊治葬子上一字筆畫奇詭殊不可識葬作丞與前曹嗣祖甄文基字略同

陳

天嘉殘甄文

天嘉二年

右殘甄厚二寸二分廣五寸五分下半斷失長不可計右側存文凡四字出瑞安東門外菜塍牆間今藏百晉精廬按陳文帝以永定三年六月即位次年正月改元天嘉是年歲在辛巳

東甌金石志卷一

東甌金石志卷二

嘉善 戴咸弼 鼈峯 纂緝

瑞安 孫詒讓 仲容 校補

唐

杜審言大龍湫題名

木

審

言

來

梁章鉅雁蕩詩話余同年友朱文定公士彥游大龍湫詩云諾俱那蹤未易尋杜審言題猶可覩自注壁上題名則明是目擊之詞乃余與同人游大

龍湫審睇冥搜不得其處因思雁山晚開五代以前除張又新吳畦僧貫休外並無題詠而杜審言係初唐人何以已有龍湫題名按明人歙縣王獻芝游記云近崖有潭潭畔亂石磊落石上有題杜審言來此字近或爲湫水所掩似文定實目見之又吾師李石農制府鑿宣分巡溫處時曾再游雁蕩必亦見過此題故集中有詩云言尋大通碑歲久靳我眄偶訪龍湫來石上字如霰題名者纍纍斑駁讀難徧捫壁掃蒼苔攬勝意忘倦厓刻修文名差喜日無眩土花風雨蝕雲嶂葛蘿胷想當神龍初著屐恣游醺必爲驚人句字字出百鍊何以詩集中此題竟未見古今大手筆盛美幾人擅或

傳或不傳過眼譬如電天紳方倒垂舉頭激銀箭果爾則雁山磨崖無古於此者何以不入兩浙金石志恨不得起吾師吾友於九原而一質之也右杜審言來四字在樂清雁蕩大龍湫之下巨石上楷書平列徑一尺二寸龍湫爲雁山勝境其受瀑處匯爲潭潭廣可數尋袤延三十餘丈潭中石縱橫纍纍星羅碁布大者高不過數尺或面平如砥可以位置琴尊供人坐臥而離湫水較遠水盛時泛濫洋溢沈沒巨浸中水縮石多涸出此刻可見然遊屐所經意在龍湫訪古之士百不獲一是以宋元閒志乘圖經均未之及惟明人王獻芝游記載之見萬厓雁蕩山志獻芝歙人時爲清軍御

史按部來溫與蕩南朱公諫同遊所載常寶臣等題名今在巖壁最高處惟於此刻則云近崖有潭潭畔亂石磊落石上有題杜審言來此字自非親歷者不能道也余輯金石志苦乏唐人遺蹟丙子九秋偕同人往遊時湫水甚微於湫背崖壁上刻意冥搜多北宋人題名褻裒閒日已晌午將返僧廬稍憩由石罅中屈曲穿出潭底多碎石一步一蹶目不及他瞬儁兒侍行忽覩此刻石上題字顯然不覺狂喜洗刷數過命兒手拓一紙審言來三字尙完杜字殘缺僅存其半此字則已漫滅筆法端方道斂鐵畫銀鈎審言嘗自謂吾書當得王羲之北面其風範蓋可想見今得此真蹟於千二百年後欣幸爲何如耶按審言爲少陵之祖字必簡襄州襄陽人雅善五言詩工書翰舉進士爲隰城尉遷洛陽丞坐事貶吉州司戶參軍免官還東都武后時召見授著作佐郎累遷膳部員外郎神龍初坐交通張易之流峯州入爲國子監主簿修文館學士卒其生平遊宦所經未嘗至兩浙此題不知當在何時石農先生詩想當神龍初一語中宗復辟時審言遠竄遐方屐齒恐未必能來也意其在吉州罷官之後乎

包舉龍鼻洞題名

包舉來 壬寅七月朔

文儁按右刻在樂清雁山龍鼻洞左壁葉宗大題

名之左正書首三字字徑二寸三分下五字字徑一寸八分包舉見同治湖州府志金石畧武康縣碧玉潭有唐貞元刺史于頔等題名云湖州刺史京兆于頔監察御史河東薛公允前右衛胄曹吳興沈必復處士宏農楊系富春孫革天水趙匡時河南于鎡縣令楊口尉包舉貞元十年二月五日題攷是年歲在甲戌上溯壬寅為肅宗寶應元年下至壬寅為穆宗長慶二年竊意貞元時尉武康則此題當在穆宗時但不知係何官郡縣職官志無其人幸有湖郡題名可證知其為唐人遺跡也

處士姜公墓碣

大中七年十一月十日

善夫處士

姜公之域

次子玠立

孫詒讓案右唐善夫處士姜公墓碣在瑞安三十八都碗窰茶巷光緒壬午土人掘地得之石高漢尺三尺有奇廣二尺五寸有奇大字二行每字約徑七寸小字二行每字約徑二寸許歲久文頗剝缺而紀元尚明哲温州唐石罕覯此碣雖無關攷證亦足寶也

咸通殘甄文

咸通二年

孫詒讓案右甄厚一寸二分廣五寸八分

据漢建初銅尺

夏國金石志卷之六十一
下半斷失長不可計存文四曰咸通二年並反書
樂清鄭夢白得於友人家牆間介傳省三寄贈余
今臧百晉精廬

姚揆仙巖銘

仙巖銘

維仙之居既清且虛

一泉一石可詩可圖

姚揆撰

右銘磨崖在瑞安仙巖翠微嶺二行行八字前後
兩行各三字正書徑七寸筆意瘦硬姚揆官温州
郡丞府志職官失載此銘見全唐文有官秩可據
宋亦有姚揆端拱二年第三人及第官吏部侍郎

見雍正浙江通志

吳越

錢鏐康樂巖題記

鏐自甫戶載頤於康樂
巖東期亭臺遍植花柳
藉華蓋山畔遠置菓園
至背巖深寺菓時
中昌歲清明因彭城
輔軒記以示後

明劉恆謝巖觀二篆刻記青石碑在巖背篆刻有
二其一云棘寺薛孺卿邑宰陳口之簿曹觀尉亭
汶字方四寸許其一云鏐自庚辰載領郡於康樂

巖重栊亭臺遍植花柳兼華蓋山畔建置菓園□
□□□□添奇□時甲申歲清明日彭城輔軒記
以示後來凡六行字參差不等蓋縮於石罅其小
者可方前篆也先是是刻余止識三十二字家兄
識余所不識者一十四字初鐸字見半金而華衍
佛如重或疑爲鍾詳其文勢必當時所刻創亭臺
者名其不刻姓氏者以後彭城郡可互見也因其
有領郡之云以郡志考之得唐刺史錢鐸而錢實
彭城郡於是疑向所疑鍾爲鐸猶未敢必按鐸在
咸通中於西岑建瑞鹿寺卽法教院也余考瑞鹿
寺建於咸通四年因四年并是刻庚辰甲申之云
以通鑑考之咸通元年庚辰五年甲申正與此合

志中一字卽四年爾由此推之輔軒蓋錢刺史字
嘗問城南劉先生先生曰子考索詳矣但唐人無
以軒居之號額代已姓氏者大凡書某軒某齋非
古法也輔軒或卽郡守姓名否則錢刺史記此而
行文則出於輔軒未可知也予因劉先生之言又
攷吾郡秩官志實無輔姓軒名者竊意志或軼之
七月八日丙寅復攜朱生道昌往視時日光注射
多不模糊而所疑鍾字實鐸字彭城乃錢刺史書
其郡望耳而輔軒抑豈其字歟舊志鐸作華又以
見志記者之謬也謝巖題刻多宋人筆而此則唐
人云劉先生名翊博學能文章家兄名懌工篆書
丙寅後三日劉恆記記後一百二十五日甲戌偶

得圖繪寶鑑云錢鐸字輔軒武肅王兄也善丹青
阮元兩浙金石志右刻在永嘉縣積穀山麓謝客
巖文六行篆書徑四五寸不等郡縣志載鐸爲武
肅王兄咸通閒領郡事曾於西岑建瑞鹿寺此題
甲申者乃咸通五年也元按十國春秋鐸字輔軒
爲英顯王錢寬幼子武肅之胞弟也生時受武肅
鞠育恩及武肅薨請服通喪以報之多藝善畫繪
尤精音律承制累授温明二州刺史文穆時除兩
浙行軍司馬尋改本州團練使順化軍節度使封
楚國公開運二年卒年五十五諡曰忠簡據此鐸
當生於唐昭宗大順二年武肅於乾寧二年從石
鏡將董昌討王郢之亂時年二十四則長於鐸十
九年矣若依志乘所載上溯咸通其時武肅尙未
生焉得有弟領州郡是鐸任温州刺史在武肅建
號改元之後庚辰爲天寶十三年甲申爲寶大元
年今臨安海會寺經幢稱寶大元年歲次甲申是
其證也

孫詒讓按此刻篆體譌舛多不合六書罔字爲說
文五百四十部首之一訓爲窗牖麗廡闔明讀若
獮此以爲日字尤謬冀添奇肅肅字阮文達釋爲
章以字形文義校之當爲景字阮釋失之錢輔軒
事亦見范垌林禹吳越備史八所載與十國春秋
悉同蓋卽吳任臣所本惟云鐸年五十三少十國
春秋二歲自開運二年逆推之當生於景福二年

上距咸通庚辰凡三十三年阮文達之說是也惟
文達云咸通時武肅尙未生則誤攷史言武肅薨
於唐長興三年年八十一與備史所載大中六年
壬申二月十六日生以年計之適合十國春秋然
與備史同則咸通庚辰武肅年九歲矣從董昌討王郢乃乾
符二年事故云二十四歲文達誤記爲乾寧二年
而未核武肅之生卒故其說如此

右錢鐸康樂巖題記在飛霞洞之左篆書六行行
十字至七字不等字徑四寸至八寸餘亦不等按
郡志劉恆觀謝巖篆刻記因其有庚辰甲申之文
遂以爲咸通元年之庚辰而以鐸建瑞鹿寺在咸
通四年實之定爲唐時石刻其說甚辯然考鐸生

於昭宗大順二年辛亥其父英顯王卒於昭宗乾
寧二年乙卯鐸方五歲武肅王爲其長兄鞠育之
及武肅薨請服通喪以報之時年四十二鐸卒於
開運二年乙巳年五十五則庚辰爲武肅建元天
寶之十三年甲申爲寶大元年阮相國金石志據
十國春秋考核甚精足以證舊志之謬惟云武肅
長於鐸十九年則又誤矣武肅當長
鐸四十年若以爲咸通
之庚辰則其父英顯王僅二十六歲安得有子爲
刺史之理其說可不攻自破至瑞鹿寺康熙乾隆
志俱云建於咸通中並未著錢鐸之名又按職官
志列錢鐸名於韋庸崔綰之次以爲宣宗時任不
知庚辰乃後梁之貞明六年也及考永嘉周天錫

東陽金石志卷之二
花萼樓集所載題謝巖篆刻後記一篇尤足以證
先後志書之謬其詞曰蓋余讀此而嘆記載之誤
也舊志乾符元年温州刺史錢鏐三年魯實四年
鄭謐新志因之余攷乾符元年甲午非庚辰也甲
午上溯咸通之庚辰相去一十五年誤一武肅後
唐長興三年卒子元瓘嗣如判州事錢元珪錢元
邨皆其子而鏐與鏐名同行次誤二阿育王碑梁
貞明二年錢鏐遣弟鏐迎塔作禮按武肅享年八
十又一其生爲大中壬申去咸通庚辰僅九年耳
而錢唐志開成元年鏐爲錢唐令開成元年丙辰
至咸通元年庚辰計二十五年鏐卽廿歲作令及
迎塔之年鏐已一百一歲鏐方六十五歲猶曰鏐

弟誤三余再四詳求莫得其說近閱永嘉譜歷代
牧長之序注云乾符三年王郢因温州刺史魯實
請降則魯實之在三年無疑矣而前有錢鏐後有
鄭謐首尾四年刺史三易獨咸通十四年中止載
崔縮一人何略也意錢鏐與崔縮先後同時誤以
咸通元年作乾符元年又意錢鏐別是一人與武
肅無涉歟竹策易訛金石最壽鏐之刺温當以篆
刻爲確惟輔軒二字難曉姜平仲以爲鏐字取圖
繪寶鑑作證余翻閱無有又不知何據書以質博
雅君子己亥夏五旣望按此篇於錢氏譜系未遑
深考不具論其所云舊志新志職官次第與今康
熙乾隆志詳畧不同攷天錫字懋寵號樗菴明左

副都御史應期子 國朝康熙歲貢其所云新志疑卽指萬厯府志據稱乾符元年温州刺史錢鏐三年魯實四年鄭謐獨咸通十四年中止載崔綰一人今檢瑞安孫氏所藏萬厯志職官次第與康熙乾隆兩志正同並以崔綰錢鏐爲宣宗時任則大中而非咸通矣其下有劉利貞裴閱二人注懿宗時任此則咸通也魯實之下有鄭虔昱一人而於乾符元年三年四年等字皆削而不書似以意爲遷就究不知其何所本然則樗菴所引新舊志竟不知其爲何志也總之錢鏐一人沿訛已久自吳越備史十國春秋出始昭然若發矇及證以阿育王碑與謝巖題記遂成鐵案不可移易至所引

錢唐縣志開成元年六錢鏐按癸辛雜志錢唐縣令錢華題名其字無金旁當別是一人不必致疑於年歲之不符也然則郡志錢鏐之名宜列後梁錢傳璉之次以傳璉守温州在貞明三年卽天寶九年鏐則在貞明六年而志並無傳璉名則漏畧也萬厯以前舊志得失參半經後人竄易年代舛誤愈無可稽亦一憾事故論之如右又鄭謐今志作鄭鎰當是傳寫之訛未知孰是所載永嘉譜云云乃宋紹熙閒瑞安曹叔遠所著曰年譜地譜名譜人譜當 國初時尙有此書今已渺不可得矣惜哉己亥爲順治十六年也又劉恆所記共缺六字今按添字上有修冀二字奇字下爲章字餘三

字不可識恆字孟貞永嘉人見明成化閒旌節亭
碑記

吳越王金塗塔記

吳越國王

錢弘俶敬造

八万四千寶

塔乙卯歲記

右塔高工部尺四寸二分上下四層下一層塔座
寬三寸三分作瓦檐形第三層寬二寸六分每面
有佛像三窗燈形二第二層寬二寸四分兩旁刻
花紋中鑄梵夾故事上一層亦刻花紋而平其頂
頂上出四角如大姆指高一寸四分角三稜稜外

八面面各一金剛立像內四面如蓮花瓣面一佛
坐像據表忠譜頂上有相輪七級今已平秃有斷
缺痕腹中款識正書四行首行四字下三行行五
字字徑四五六分不等乃吳越忠懿王錢宏俶所
造八萬四千寶塔之一每面之內各有一十字其
一面在記文十九字之下居四行之中豈其第十
號歟然阮相國金塗塔跋云十九字下別有一保
字編號者張芭堂金石契所載有以人字編號者
則非鑄塔之數可知此塔始見嘉泰會稽志紹興
初善法院捨地得金塗銅塔姜白石得其一版周
晉泉文璞作長歌紀其事又紹定初程秘龍山勝
相寺記吳越忠懿王以五金鑄十萬寶塔以五百

遣使頒日本則所謂八萬四千者特刺取梵典成語謂阿育王一日一夜役鬼神造八萬四千塔之成數而著之於塔其實尙不止此數也五代時各國主之佞佛於此可見一斑其所繪四面像各不同第一面一佛坐右旁二人一合掌立一坐左旁一人擎拳側立下有二物似犬似蛇此面之內有所鑄十九字第二面佛立像左右各一人前有二虎佛作割肉飼虎狀此一面與張芭堂所稱八字編號者無少異第三面一佛坐右旁二人一立一坐左旁二人立持杵第四面一佛曲膝俯首一人持刃加其首一人承其下一人倚其後後有寶樹一株此當是月光王捐舍寶首事此二面與阮相

國所稱內有保字編號者同當時模範不一有作放下屠刀立地成佛者有作饑鷹餓虎狀者與今所見不同考宏俶字文德武肅王孫晉開運四年嗣立此塔造於乙卯爲嗣立之八年卽周顯德二年也朱氏竹垞曝書亭集云寺塔之建吳越武肅王倍於他國當日於宮中冶烏金爲瓦繪梵夾故事塗之以金合以成塔是直以爲武肅王造又謂瓦合成塔蓋承周青士之訛未見搨本故也一云錢王納土後造此塔八萬四千報趙氏不殺恩若然則在眞宗乙卯忠懿王卒以年證之亦謬金石契云山陰陳默齋得一座四面畫像俱全王蘭泉司寇金石萃編云此本拓自海盜陳氏乾隆中陳

溫州府 函 公 館